

**ANALISIS KEPERLUAN SIJIL, DIPLOMA DAN SARJANA MUDA
PERANCANGAN BANDAR DAN WILAYAH UiTM**

DISEDIAKAN OLEH:

**PUZIAH AHMAD
PROF MADYA DR. DASIMAH OMAR**

JULAI 2005

Tarikh : 5 Julai 2005
No.Fail Projek : 600-IRDC/SKK.5/3/895

Penolong Naib Canselor (Penyelidikan)
Institut Penyelidikan, Pembangunan dan Pengkomersilan
Universiti Teknologi MARA
40450 Shah Alam

Ybhg.Prof.,

**LAPORAN AKHIR PENYELIDIKAN “ANALISIS KEPERLUAN
SIJIL, DIPLOMA DAN SARJANA MUDA PERANCANGAN
BANDAR DAN WILAYAH UiTM”**

Dengan segala hormatnya, merujuk kepada perkara di atas, bersama-sama ini disertakan 3 (tiga) naskah Laporan Akhir Penyelidikan bertajuk “ Analisis Keperluan Sijil, Diploma dan Sarjana Muda Perancangan Bandar dan Wilayah UiTM”.

Sekian, terima kasih.

Yang benar,



PUZIAH AFIMAD
Ketua
Projek Penyelidikan

ISI KANDUNGAN

Mukasurat

1.0	Pengenalan	1
2.0	Pernyataan Masalah	2
	2.1 Masalah Pengangguran Graduan	2
	2.2 Punca Pengangguran	4
3.0	Objektif Kajian	4
	3.1 Kaedah Pengumpulan Maklumat	5
	3.2 Kaedah Pensampelan	5
4.0	Sejarah Jabatan Perancangan Bandar dan Wilayah	5
	4.1 Objektif-Objektif Penubuhan Awal JPBW	6
	4.2 Kurikulum	7
	4.3 Pengambilan Pelajar, Enrolmen dan Graduan	8
	4.4 Jumlah Graduan Keseluruhan	8
5.0	Analisis Pasaran Pekerjaan Graduan-Graduan Perancang Bandar dan Wilayah	13
	5.1 Analisis Sosio-ekonomi Graduan	13
	5.1.1 Umur	13
	5.1.2 Status Perkahwinan	15
	5.2 Analisis Tahap Pendidikan Graduan	15
	5.2.1 Kelulusan Tertinggi Dicapai	16
	5.2.2 Tahap Kelulusan Tertinggi Dicapai	17
	5.3 Analisis Pekerjaan Graduan	18
	5.3.1 Jenis Pekerjaan	19
	5.3.2 Pekerjaan dan Organisasi	20
	5.3.3 Pendapatan Bulanan	22
	5.4 Analisis Keupayaan Diri Graduan – Pengalaman Sewaktu Mencari Pekerjaan	24
	5.4.1 Keyakinan Diri Untuk menghadapi Temuduga	24
	5.4.2 Kemampuan Berkomunikasi Dengan Penemuduga	26

ABSTRAK

Cabaran-cabaran utama bagi para lulusan institut pengajian tinggi dalam abad ini ialah ketidaktentuan perubahan tren dunia seperti krisis ekonomi, globalisasi tanpa sempadan dan era baru penjajahan dunia barat. Program akademik universiti haruslah fleksibel, sensitif dan responsif terhadap perubahan situasi semasa. Akhirnya, cabaran utama yang dihadapi oleh graduan ialah mencari pekerjaan yang bersesuaian dengan kelulusan. Kajian ini adalah berdasarkan kepada satu kaji selidik rambang yang dilakukan terhadap lulusan Jabatan Perancangan Bandar dan Wilayah di Lembah Klang. Kajian telah dijalankan pada penghujung 2003 hingga awal 2004, di mana sebanyak 1000 soal selidik telah diedarkan. Hasilnya sebanyak 187 lulusan telah menjadi responden terhadap kaji selidik tersebut. Perkara-perkara utama yang telah difokuskan dalam kaji selidik ini iaitu; status sosio-ekonomi, taraf pendidikan, skil dan kebolehan serta pengalaman sewaktu mencari dan di alam pekerjaan, dan juga cadangan untuk membantu penambahbaikan kualiti graduan dan program perancangan keseluruhannya. Penemuan kajian adalah berkaitan dengan permasalahan dan peluang yang didapati oleh lulusan. In termasuklah permasalahan skil komunikasi, keyakinan diri, penggunaan Bahasa Inggeris dan cabaran yang dihadapi di tempat pekerjaan. Cadangan-cadangan yang diutarakan di dalam kajian ini adalah berbentuk strategi, polisi dan program yang boleh dijalankan oleh pihak universiti secara amnya dan jabatan perancangan secara khususnya.

ANALISIS KEPERLUAN LULUSAN SIJIL, DIPLOMA DAN SARJANA MUDA PERANCANGAN BANDAR DAN WILAYAH UiTM

1.0 PENGENALAN

Graduan merupakan produk institusi pengajian dan juga asset yang berharga sebagai kayu pengukur kualiti pendidikan dan latihan yang diterima sepanjang pengajian mereka di universiti. Kajian ini merupakan kajian ulung Jabatan Perancang Bandar dan Wilayah. Teras utama kajian adalah untuk menilai "kualiti" program perancangan berdasarkan maklumbalas pengalaman graduan dalam mencari pekerjaan, kemampuan dan kesesuaian kelulusan graduan dengan realiti pasaran pekerjaan.

Program Perancangan Bandar dan Wilayah adalah yang terawal dijalankan oleh UiTM. Program dimulakan pada bulan Julai 1969 dengan 16 orang pelajar Diploma Perancangan Bandar dan Kampung (Town and Country planning.). Manakala pada 1975 Program Diploma Lanjutan Perancangan Bandar dan Wilayah pula dimulakan. Walaubagaimanapun, mulai bulan Jun 2000 program tiga tahun Sarjana Muda Perancangan Bandar dan Wilayah (Program Luar Kampus) dan program empat tahun Sarjana Muda Perancangan Bandar dan Wilayah dari kemasukan pelajar Sijil Tinggi Persekolahan Malaysia dan matrikulasi diperkenalkan.

Tanpa dinafikan secara amnya, cabaran utama bagi para lulusan adalah sewaktu mencari pekerjaan dan kesesuaian pekerjaan dengan kelulusan. Walaubagaimanapun, krisis ekonomi, globalisasi dan isu-isu semasa mempengaruhi peluang pekerjaan dan tren masa hadapan profesyen Perancangan Bandar dan Wilayah. Pendidikan Perancangan Bandar dan Wilayah memerlukan pendekatan yang sensitif terhadap kehendak pentadbiran pengurusan perancangan. Perubahan kaedah terutama dalam era globalisasi dan terbukanya ruang pasaran pekerjaan tentunya memberi kesan kepada lulusan perancangan.